

18/02/1999

Perdana Menteri lawat Sabah

KOTA KINABALU, Rabu - Perdana Menteri lawat Sabah Perdana Menteri, Datuk Seri Dr Mahathir Mohamad akan mengadakan lawatan selama tiga hari ke negeri ini mulai esok sehingga Sabtu ini.

Beliau dijangka berlepas dari Kuala Lumpur ke Sandakan, pagi esok untuk menghadiri majlis kongsi raya di Sekolah Menengah Yu Yuen, Sandakan sebelum merasmikan stesen Jana Kuasa Elektrik di Libaran, Sandakan.

Pada sebelah petang, Dr Mahathir bertolak ke Kota Kinabalu untuk merasmikan Majlis Hal Ehwal Anak Negeri Sabah di Pusat Kebudayaan Sabah di Penampang sebelum berkunjung ke rumah Ketua Menteri, Tan Sri Bernard Dompok di Maksakazon Height.

Dr Mahathir pada malamnya, akan menghadiri majlis kongsi raya bersama Perdana Menteri di Kompleks Sukan Likas.

Pada Jumaat, Perdana Menteri akan melawat pedalaman Sabah untuk majlis pemimpin bersama rakyat di Keningau sebelum berlepas ke Universiti Malaysia Sabah (UMS) di Kota Kinabalu untuk bertemu pensyarah dan pelajar universiti itu.

Pada sebelah petangnya, beliau hadir pada majlis menandatangani Incofirm Communication sebelum ke majlis makan malam yang diselenggarakan Umno Sabah.

Dr Mahathir dijangka menghadiri majlis perjumpaan Wanita Barisan Nasional dan pengusaha pelancongan Sabah pada pagi Sabtu sebelum pulang ke Kuala Lumpur.

Kunjungan Dr Mahathir ke Sabah kali ini menarik perhatian semua pihak terutama parti politik mengenai kemungkinan pembubaran dewan undangan negeri Sabah bagi membolehkan pilihan raya negeri diadakan.

Dr Mahathir dalam lawatan sebelum ini pernah menganggap pilihan raya negeri Sabah menjadi kayu pengukur sebelum pilihan raya umum diadakan di seluruh negara.

(END)